

Patrwm cyflwyno: O fis Hydref i fis Medi

Disgrifiad o'r modiwl

Mae rhaglen BSc Anrh Y Brifysgol Agored mewn Seiberddiogelwch a BSc (anrh) TG: Datblygu Meddalwedd yn cynnig y cyfle i'r rheini sy'n byw yn yr Alban ennill gradd drwy gynllun Prentisiaeth Gradd [Skills Development Scotland](#).

Mae'r graddau hyn yn rhoi gwerth 240 o gredydau o addysg seiberddiogelwch a addysgwyd/datblygu meddalwedd, yn ogystal â 240 o gredydau o ddysgu sy'n seiliedig ar waith a gaiff ei hwyluso yn lleoliad cyflogaeth y prentis. Cynlluniwyd y cymwysterau fel y cânt eu cwblhau mewn 4 blynedd. Mae TMXY235 yn rhan hanfodol o'r ddau gymhwyster.

Caiff cymwysterau'r Brentisiaeth i Raddedigion eu cynnwys yn y cyflwyniad achrediad arferol nesaf i Gymdeithas Cyfrifiaduro Prydain, y Sefydliad Siartredig TG.

Diben TMXY235 yw'r canlynol:

- Rhoi cyfle i fyfyrwyr gymhwyso'r theori o'r modiwlau eraill o'r drydedd flwyddyn at eu gweithle, myfyrio ar y profiad hwn, a rhoi tystiolaeth o'u canlyniadau mewn portffolio.
- Ategu ac ymestyn cynnwys y modiwlau a addysgir yn y flwyddyn gyntaf a'r ail flwyddyn er mwyn cynnal natur gyfamserol. Bydd hyn yn cynnwys cael gafael ar gyfres o adnoddau dysgu wedi'u curadu.
- Datblygu dealltwriaeth ymarferol o faterion cyfreithiol, cymdeithasol, moesegol a phroffesiynol, sgiliau academaidd a chyflogadwyedd
- Datblygu sgiliau dysgu arbrofol

Y Tiwtor Ymarfer

Diben y rôl yw darparu cymorth cymhwyster a chymorth modiwl.

1. Cymorth cymhwyster. Chi fydd pwynt cyswllt cyntaf y myfyriwr ar gyfer ymholiadau ynglŷn â'r rhaglen. Bydd hyn yn cynnwys rhoi cyngor a chymorth i fyfyrwyr, gan ymgysylltu â chyflogwyr a mentoriaid yn y gweithle, gan helpu myfyriwyr i gynllunio eu hamser a monitro eu cynnydd.
2. Cymorth modiwl. Bydd hyn yn cynnwys darparu cymorth ac arweiniad ymarferol i fyfyrwyr TMXY235; gwirio a chymeradwyo eu e-bortffolio, gan farcio 2 aseiniad byr a gaiff eu marcio gan diwtoriaid (TMA) ac aseiniad terfynol mwy sylweddol a gaiff ei farcio gan diwtor.

Bwriedir i'r elfennau hyn ategu ei gilydd, gan greu rôl ddiddorol a boddhaol.

Rhagwelir y bydd y tiwtor ymarfer yn parhau'n awtomatig yn y bedwaredd flwyddyn astudio gyda'r un grŵp o fyfyrwyr, gan eu helpu ar y modiwl cyfatebol yn y bedwaredd flwyddyn – TMXY325.

Mae'r tiwtor ymarfer yn atebol i diwtor staff Cyfadran Gwyddoniaeth, Technoleg, Peirianeg a Mathemateg (STEM) a chaiff ei reoli ganddo.

Disgrifiad swydd

Cymorth cymhwyster

Ar gyfer y rhan hon o'r rôl mae angen unigolyn sy'n barod i gymryd diddordeb brwd mewn pob agwedd o brofiad y myfyriwr ac yn gallu gwneud hynny, gan wneud ymyraethau a ddyfarnwyd yn ofalus fel y bo angen. Y canlynol yw'r prif gyfrifoldebau, ond ymhlyg o fewn y rhain ceir

amrywiaeth o weithgareddau eraill a all fod angen eu cyflawni o bryd i'w gilydd. Mae hyblygrwydd yn allweddol i'r rôl hon, gan ganolbwyntio ar les y myfyriwr a chydbertynas Y Brifysgol Agored gyda'r cyflogwr.

Byddwch yn gwneud y canlynol:

- cynnal cyfarfod cychwynnol wyneb yn wyneb â phob myfyriwr a'i rheolwr a/neu fentor yn y gweithle yn yr Alban i gytuno ar gynllun gweithgareddau a fydd yn para drwy gydol y modiwl, a fyddai'n golygu y gall y myfyriwr gyflawni canlyniadau dysgu'r modiwl os bydd yn ei gwblhau'n llwyddiannus
- cynnal pedwar cyfarfod datblygiad chwarterol gyda'r myfyriwr a'i reolwr/mentor, gan sicrhau y caiff y cynllun gweithredu ei addasu yn ôl yr angen
- cynllunio a chynnal cyfarfodydd ar-lein gyda phob myfyriwr i adolygu cynnydd a rhoi cyngor ac arweiniad
- cefnogi prentisiaid i ddehongli cynnwys academaidd o'u modiwlau a ddysgwyd yng nghyd-destun eu prentisiaeth
- rhoi'r cymorth priodol i brentisiaid ag anghenion ychwanegol yng nghyd-destun yr addasiadau rhesymol y mae'r Brifysgol yn eu gwneud i gefnogi dysgwyr o'r fath
- cymryd camau priodol os bydd myfyriwr mewn perygl o fethu neu'n gwneud cynnydd anfodddhaol, gan werthuso'r angen am gymorth ychwanegol a chadarnhau y caiff ei ddarparu Bydd hyn yn cynnwys ymgysylltu â thiworiaid modiwlau blwyddyn gyntaf eraill, tiwtor staff a rheolwr cyflwyno'r rhaglen brentisiaeth (APDM) sy'n rhoi cymorth datblygu busnes, gweinyddol a gweithredol i'r brentisiaeth
- cadw cofnodion cynhwysfawr ar gyfer pob myfyriwr, gan wirio'r e-bortffolio yn ôl yr angen
- cynnal a datblygu gwybodaeth ynglŷn â'r modiwlau a addysgir yn y flwyddyn gyntaf

Cymorth modiwl

Fel yn <http://www.open.ac.uk/jobs/tutors/teaching-roles/duties>

Manyleb y person

Dylid darllen manyleb y person ar gyfer y modiwl hwn yn unol â [manyleb gyffredinol y person](#) ar gyfer darlithydd cyswllt yn Y Brifysgol Agored.

Yn ogystal â bodloni'r holl ofynion a gaiff eu nodi ym manyleb gyffredinol y person, dylech feddu ar y canlynol:

- agwedd hyblyg, broffesiynol sy'n canolbwyntio ar y myfyriwr
- agwedd gefnogol a gwerthfawrogiad o ddysgu sy'n canolbwyntio ar y myfyriwr
- gradd gyntaf neu uwch mewn Cyfrifiadura a TG neu faes cytras, neu achrediad proffesiynol priodol
- gwybodaeth academaidd dda am ddatblygu meddalwedd a/neu seiberddiogelwch
- gwybodaeth am system addysg ac amgylchedd busnes yr Alban
- y gallu i ymweld â phrentisiaid yn eu gweithleoedd yn yr Alban ar ddechrau'r cyflwyniad, ac yn ddilynol os bydd yn rhaid gwneud hynny
- y gallu i deithio i'r Alban yn gymharol gyflym mewn car, ar y trên neu ar awyren
- y gallu a'r parodrwydd i gael trosolwg da o'r modiwlau lefel 2 a 3 y mae'r myfyriwr yn eu hastudio ochr yn ochr â'r modiwl hwn
- y gallu i drosi gwybodaeth academaidd yn weithgareddau y gellir eu cynnal yng ngweithle'r myfyriwr
- sgiliau mewn diplomyddiaeth, negodi a chyfathrebu
- gwerthfawrogiad o anghenion dysgwyr sy'n oedolion a'r ffordd y mae oedolion yn dysgu mewn cyd-destunau sy'n seiliedig ar waith

- y gallu i ddefnyddio technoleg gwybodaeth a chyfathrebu i addysgu a chefnogi prentisiaid
- dealltwriaeth o bolisiau ac arferion cyfle cyfartal ac ymrwymiad iddynt
- ymrwymiad i ddatblygiad personol a phroffesiynol eich hun

Byddai'n fanteisiol meddu ar y canlynol:

- profiad proffesiynol diweddar o weithio ym maes datblygu meddalwedd neu seiberddiogelwch yn y diwydiant
- profiad o weithio gyda chyflogwyr
- gwybodaeth am fodiwlau Lefel 2 a 3 yr Ysgol: TTXY284, TMXY311, TMXY354 a/neu TMXY350

Gwybodaeth ychwanegol

Yr iaith addysgu yw Saesneg a dylai eich hyfredded yn Saesneg fod yn ddigonol i fodloni holl ofynion y rôl.

Dylech feddu ar gyfrifiadur eich hun â mynediad i'r rhyngwyd.

Manylion y modiwl – mae eglurhad llawn ar y wefan

Y credydau a gaiff eu dyfarnu i'r myfyriwr ar ôl cwblhau'r modiwl yn llwyddiannus:	30
Nifer yr aseiniadau a gyflwynwyd gan y myfyriwr:	3
Dull cyflwyno aseiniadau:	2
Lefel y gofynion TGCh:	2
Nifer y myfyrwyr sy'n debygol o fod mewn grŵp safonol:	5
Band cyflog:	6
Y nifer amcangyfrifedig o oriau fesul wythnos addysgu:	4

Nid yw'r strategaeth addysgu ac asesu ar gyfer y modiwl hwn wedi cael ei gymeradwyo eto ac felly mae'n bosibl y caiff y wybodaeth ei newid.